

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-50/16
Sarajevo, 21.1. 2016. godine

Z A P I S N I K

Tematske sjednice Doma naroda Parlamenta Federacije Bosne i Hercegovine, održane 21. januara 2016. godine

Sjednica je počela u 11:50 sati.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, potpredsjednicu Federacije Meliku Mahmutbegović, predstavnike medija, međunarodne zajednice, predstavnike nevladinog sektora i goste.

Izostanak sa sjednice opravdali su: Predrag Kojović, Lejla Imamović i Daliborka Milović.

Na osnovu evidencije Stručne službe, predsjedavajuća je konstatovala da sjednici prisustvuje 42 delegata, što čini većinu, te Dom naroda može raditi i punovažno odlučivati.

Predsjedavajuća je podsjetila delegate da je Dom naroda u nastavku Četvrte sjednice, 19. novembra 2015. godine, nakon razmatranja Izvještaja o radu i poslovanju JP Elektroprivreda HZHB d.d. Mostar za 2014. godinu i Izvještaja o radu i poslovanju JP Elektroprivreda BiH d.d. Sarajevo za 2014. godinu, donio Zaključak kojim se zadužuje Kolegij Doma naroda Parlamenta FBiH da sa Vladom Federacije BiH, JP Elektroprivreda HZHB d.d. Mostar, JP Elektroprivreda BiH d.d. Sarajevo i Regulatornom komisijom za energiju u FBiH organizira tematsku sjednicu.

Predsjedavajuća je na osnovu rezultata glasanja konstatovala, da je Dom naroda Parlamenta Federacije Bosne i Hercegovine, jednoglasno sa 39 glasova za, usvojio sljedeći

D N E V N I R E D

1. Informacija o stanju u elektroenergetskom sektoru FBiH sa prijedlogom mjera.

Informaciju su obrazložili predsjednik Vlade Fadil Novalić i predstavnik Federalnog ministarstva energije, industrije i rudarstva Stipe Buljan.

Domu naroda obratili su se: Sanela Pokrajčić, predstavnica FERK-a, Hajrudin Bećirović, direktor Operatora za obnovljive izvore energije i efikasne kogeneracije, Emir Aganović, savjetnik generalnog direktora Javnog preduzeća Elektroprivreda BiH i Drago Bago, predstavnik JP Elektroprivreda HZ HB.

Predsjedavajuća je, zatim, otvorila raspravu.

U raspravi su učestvovali: Mirvet Beganović, Đuro Prkačin, Muhamed Kozadra, Rasim Dostović, Aner Žuljević, Željko Mirković, Admir Hadžipašić, Vesna Saradžić, Mustafa Kurtović, Almedin Aliefendić, Tomislav Martinović i Osman Ćatić.

Nakon rasprave predsjedavajuća je dala pauzu od 20 minuta za Kolegij.

Zatim, predsjedavajuća je obavijestila delegate da je Kolegij Doma naroda Parlamenta FBiH na osnovu člana 144. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09) i Zaključka Doma naroda Parlamenta Federacije Bosne i Hercegovine broj: 02/c-14-3-978, 02-17-1-1135/15 od 23.11. 2015. godine, donio

ZAKLJUČAK

S ciljem osiguranja skladnog rada, dugoročnog održivog razvoja i uspješnog poslovanja elektroprivrednih društava, uključujući i uzimajući u obzir ciljeve EU i pravnu stečevinu EU, posebno uvažavajući polazno i buduće tehnološko, ekonomsko i pravno-regulatorno stanje u Bosni i Hercegovini, Dom naroda donosi sljedeće zaključke:

1. Dom naroda Parlamenta Federacije BiH dat će prioritet razmatranju svih strateških dokumenata Vlade Federacije BiH vezane uz elektroenergetski sektor u FBiH, posebno program prestrukturiranja elektroenergetskog sektora u Federaciji BiH.
2. Dom naroda Parlamenta Federacije BiH zadužuje Vladu Federacije BiH i resorna ministarstva da izvrše analizu i uputi u parlamentarnu proceduru izmjene i dopune svih propisa kojima se reguliraju oblasti registriranja, izdavanja odobrenja, proizvodnje i prodaje električne

energije s ciljem smanjenja administrativnih prepreka u cijelom procesu, radi stvaranja povoljnog okruženja za nove investicije u elektroenergetski sektor.

3. Dom naroda Parlamenta Federacije BiH zadužuje sve subjekte u Federaciji BiH da u okviru svojih nadležnosti u daljnjim aktivnostima osiguraju stabilnost u proizvodnji i opskrbi električne energije i energetske samoodrživosti Federacije BiH.
4. Strategijom razvoja energetskeg sektora osigurati maksimalno korištenje svih izvora za proizvodnju energije s ciljem smanjenja ovisnosti o uvozu energenata, s tendencijom pretvaranja ovoga sektora u vodeću izvoznu granu Federacije BiH, vodeći računa o ekološkoj i socijalnoj prihvatljivosti.
5. Dom naroda Parlamenta Federacije BiH zadužuje Vladu Federacije BiH da izvrši analizu stanja u rudnicima u Federaciji BiH, poslovanja i rada poslovnih i upravnih struktura, te ukoliko smatra potrebnim izvrši specijalnu reviziju poslovanja zaključno s 31.12.2015. godine.
6. Zadužuje se rukovodstvo Doma naroda Parlamenta Federacije BiH da sve pristigle inicijative privrednih društava, privatnih investitora iz oblasti obnovljivi izvora energije i stenogram sa sjednice prosljedi Vladi Federacije BiH i resornim ministarstvima na razmatranje i daljnje postupanje.
7. Kolegij Doma naroda Parlamenta Federacije BiH opredijeljen je da svake godine održi tematsku sjednicu o elektroenergetskom sektoru s ciljem praćenja provedbe predloženih zaključaka.

Na osnovu rezultata glasanja, predsjedavajuća je konstatovala, da je Dom naroda Parlamenta Federacije Bosne i Hercegovine, jednoglasno, sa 39 glasova za usvojio predložene zaključke.

Sjednica je završena u 16:40 sati.

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVALA

Lidija Bradara